



24 September 2012
24 September 2012
P.U. (A) 313

WARTA KERAJAAN PERSEKUTUAN

FEDERAL GOVERNMENT GAZETTE

PERATURAN-PERATURAN MAKANAN (PINDAAN) (NO. 2) 2012

FOOD (AMENDMENT)(NO. 2) REGULATIONS 2012



DISIARKAN OLEH/
PUBLISHED BY
JABATAN PEGUAM NEGARA/
ATTORNEY GENERAL'S CHAMBERS

AKTA MAKANAN 1983

PERATURAN-PERATURAN MAKANAN (PINDAAN) (NO. 2) 2012

PADA menjalankan kuasa yang diberikan oleh seksyen 34 Akta Makanan 1983 [*Akta 281*], Menteri membuat peraturan-peraturan yang berikut:

Nama

1. Peraturan-peraturan ini bolehlah dinamakan **Peraturan-Peraturan Makanan (Pindaan) (No. 2) 2012**.

Pindaan am

2. Peraturan-Peraturan Makanan 1985 [*P.U. (A) 437/1985*] yang disebut sebagai “Peraturan-Peraturan ibu” dalam Peraturan-Peraturan ini, dipinda–

- (a) dengan menggantikan perkataan “kanak-kanak” di mana-mana jua terdapat dengan perkataan “kanak-kanak kecil”, kecuali bagi peraturan 91B dan Daftar IA, IB, IC, ID dan IE Jadual Keempat Belas;
- (b) dengan menggantikan perkataan “Pengarah Perkhidmatan Kesihatan” di mana-mana jua terdapat dengan perkataan “Pengarah”;
- (c) dengan menggantikan perkataan “b/b” di mana-mana jua terdapat dengan perkataan “berat bagi setiap berat”;
- (d) dengan menggantikan perkataan “b/i” di mana-mana jua terdapat dengan perkataan “berat bagi setiap isi padu”;
- (e) dengan menggantikan perkataan “i/i” di mana-mana jua terdapat dengan perkataan “isi padu bagi setiap isi padu”; dan
- (f) dengan menggantikan perkataan “i/b” di mana-mana jua terdapat dengan perkataan “isi padu bagi setiap berat”.

Pindaan peraturan 2

3. Peraturan 2 Peraturan-Peraturan ibu dipinda–

- (a) dengan memasukkan selepas tafsiran “bahagian bagi setiap peratus (bsp)” tafsiran yang berikut:

‘ “bayi” ertinya seseorang yang baru lahir sehingga berumur dua belas bulan; ’;

- (b) dengan memasukkan selepas tafsiran “bungkusan luar” tafsiran yang berikut:

‘ “kanak-kanak kecil” ertinya seseorang yang berumur lebih daripada dua belas bulan hingga tiga tahun; ’; dan

- (c) dengan memasukkan selepas tafsiran “pembungkus tambahan” tafsiran yang berikut:

‘ “profesional kesihatan” ertinya pentadbir hospital, doktor perubatan, pegawai pemakanan, pegawai teknologi makanan, pegawai dietetik, pegawai farmasi, pegawai pendidikan kesihatan, pekerja sosial perubatan dan ketua kepada jururawat yang bekerja dalam sistem penjagaan kesihatan; ’.

Pindaan peraturan 11

4. Peraturan 11 Peraturan-Peraturan ibu dipinda dengan menggantikan perenggan (1) (ea) perenggan yang berikut:

“(ea) sebagai tambahan kepada kehendak yang ditetapkan dalam perenggan (1)(e), jika makanan itu mengandungi ramuan yang diketahui boleh menyebabkan hipersensitiviti, ramuan tersebut hendaklah dinyatakan pada label.”.

Pindaan subperaturan 18(7)

5. Subperaturan 18(7) Peraturan-Peraturan ibu dipinda dengan memasukkan selepas perkataan “Makanan” perkataan “Berasaskan Tumbuhan”.

Pindaan peraturan 18B

6. Peraturan 18B Peraturan-Peraturan ibu dipinda–

(a) dengan menggantikan subperaturan (4A) subperaturan yang berikut:

“(4A) Bagi maksud peraturan ini, rujukan kepada “gula” hendaklah menjadi rujukan kepada semua monosakarida dan disakarida yang terkandung di dalam makanan sama ada secara asli atau ditambah.”; dan

(b) dalam subperaturan (11), dengan memasukkan selepas perkataan “iodin” perkataan dan butir-butir yang berikut:

“Kolina (mg) 550”.

Pindaan subperaturan 89(3)

7. Subperaturan 89(3) Peraturan-Peraturan ibu dipinda dengan memasukkan selepas perkataan “mengandungi” perkataan “sukralos sebagai bahan pemanis yang dibenarkan tidak melebihi 300 mg bagi setiap kg”.

Peraturan baru 91B

8. Peraturan-Peraturan ibu dipinda dengan memasukkan selepas peraturan 91A peraturan yang berikut:

“Susu tepung rumusan untuk kanak-kanak

91B. (1) Susu tepung rumusan untuk kanak-kanak hendaklah disediakan daripada susu lembu atau haiwan lain, dengan atau tanpa penambahan bahan lain yang berasal daripada haiwan atau tumbuhan, yang terbukti sesuai untuk kanak-kanak, dengan atau tanpa ramuan lain yang diperlukan untuk mencapai

komposisi perlu bagi produk sebagaimana yang dinyatakan dalam subperaturan (4).

(2) Bagi maksud peraturan ini, “kanak-kanak” ertinya seseorang yang berumur daripada dua belas bulan hingga sembilan tahun.

(3) Susu tepung rumusan untuk kanak-kanak–

(a) hendaklah mengandungi–

(i) nutrien seperti yang ditetapkan dalam ruang (1) Daftar I Jadual Keenam Belas AA, dalam jumlah tidak kurang daripada seperti yang ditetapkan di dalam ruang (2) Daftar;

(ii) tidak kurang daripada 11.2 g bagi setiap 100 g lemak dan tidak lebih daripada 25 g bagi setiap 100 g lemak; dan

(iii) tidak kurang daripada 7 g bagi setiap 100 g protein daripada susu; dan

(b) boleh mengandungi bahan makanan lain yang sesuai termasuk koko, madu, jagung, soya, bijirin dan buah-buahan;

(c) boleh mengandungi kultur yang menghasilkan L(+) asid laktik;

(d) boleh mengandungi sukrosa, glukosa, fruktosa, sirap glukosa dan dekstroza sebagai bahan pemanis yang dibenarkan. Jumlah keseluruhan kandungan sukrosa dalam susu tepung rumusan untuk kanak-kanak hendaklah tidak melebihi 12 g bagi setiap 100 g. Bagi susu tepung rumusan kanak-kanak